

GASTEIZEN

# Celedonek atsedena hartu du

Celedonek atsedena hartzea erabaki zuen bart, eta abuztuaren 4ean etorritako bidetik itzulbidea egin zuen goizeko ordubatean. Gasteiztarrek, Celedon bezalaxe nekatuta, ez zuten azken bidaitxo galduta nahi izan, eta eguraldiaren oztopoa gaindituz, bete egin zuten Andramari Zuriaren enparantza. Txanpainak eta argiak lagundu zioten Celedoni atsedeneko bidaian, eta San Miguel elizako kanpandorrean ezkutatu zenean, Salbeak eman zion azken agurra urtea eta urtea etorri Andramari Zuriaren jaietan gertatu ohi den bezala.

Nekatuta baina azkeneko parranda egiteko txosnetara abiatu zen jendea, tabernariak ere guztiz nekatuta bait zeuden ordu horietarako. Txosnetako giro alaiak ikusita ez zirudien amaitzeko gogoak zeudenik. Hala eta guztiz ere, goiza heldu zenean kartoi, plastiko eta mekanotuboz eraikitako etxetxo hauek berehala desagertzen hasi ziren Floridako parketik.

Jadanik blusak ere gordeta daude. Edo garbigailuan hobe esanda. Bost egunetako izerdiak, kalimotxoak, gin-kasak, tomate tantakak eta talko hautsak desagertarazteko makina bat lan egin beharko dute askok eta askok, laster —360 egun barru— berriro ere jantzeko.

Izan ere, atzo 'zikin eguna' ospatu zuten blusek. Egun osoan, eta batez ere zezenetarako joan-etorrian denetarik jaurti



OIALDE

Gasteiztarrek, Celedon bezalaxe nekatutik, ez zuten azken bidaiatxo galduta nahi izan, eta eguraldiaren oztopoa gaindituz, bete egin zuten Andramari Zuriaren enparantza. Txanpainak eta argiek lagundu zioten Celedoni atsedeneko bidaian.

## 'Txapela' jantzita amaitu ziren Matxete plazako bertsoaldiak

Aldi Zaharreko Matxete enparantza euskal txokoa bihurtu da Andramari Zuriaren jaietan. Bertan, trikitixa eta bertso saio paregabeak eskaini dituzte Gasteizko trikitixa eskolak eta Euskal Herriko bazter guztietatik etorritako bertsolariak. Atzo, Anbel Enbeita eta Ricardo Gonzalez de Durana 'Oreitiako urretxindorra' arabarraren txanda izan zen jaietako ekitaldiekin bukatzeko.

Jaia aprobetxatzea, eguraldia, Javier Rojo alkateorde sozialistaren soldata, ligatzeko gogoak eta biok arabarrak zirela —bertso botikan ere denetarik dagoela esan zuen Enbai-

tak— ekarri zuten gogora Gonzalez de Duranak eta Enbeitak, bertso saioei amaiera emateko.

Eta bukatu, txapelaz jantzita bukatu zen. Zeruko odeiek euria iragartzen zuten arratsaldeko ordu bata t'erdietan, eta udal arduradunek lekua estaltzea erabaki zuten. Toldo hori zegoela jakin balu Sebastian Lizasok, lasai asko erreko zukeen puroa sonbrilaz arduratu gabe, iragan abuztuaren 5eko ekitaldian.

Egunero, euskaltzale mordoak bildu dira Matxeteko enparantzan bertsolarien esanak arretaz jarraitzeko. Bertsolari belaunaldi berriak — las-

ter 'beteranoen' parean izango direla erakutsi dute, eta entzuleak pozik atera dira, bertsoak entzuteaz gain ardo eta sagardoa edan eta txorizoa eta gazta dastatzeko aukera izan bait dute bertako txosnetan.

Aurten bertsolariak gizonezkoak izan dira eta emakume bertsolarien falta nabaritu dute bertsozale batzuek. «Arantzazu Loidi edo beste emakumeren bat falta izan da» zioen saiorik galdu ez duen batek. Loidi iaz izan genuen Matxeteko enparantzan, eta ez litzateke harrizkoa izango 'Olinpiadetako urtean' beste bueltatxo bat emango balu ●

zioten inguruan zebilen edonori, eta noski euren buruei ere. Horrela ikusirik, batek ez zekien zein zen blusa eta zein ez. Ekintza hau ohitura bilakatzen ari da urteotan.

Gaur Jose Angel Cuenda alkateak baloratuko du aurtengo jaiak eman dutena. Celedonek San Migueleko dorrean atsedena hartzen duen bitartean udal agintariak pentsatu beharko dute zer egin daitkeen jai giroak aurrerantzean ahultzen jarrai ez dezan. Betidanik jaietako ardatza izan den blusa batzordea bitan zatitu da, eta batzuei zein besteiei entzunda, ez dirudi konponbide erraza duenik. Ea bada atsedena buruak lasaitu eta akordioa ekartzin digun.

Jaiak amaituta, Gasteiz ere atsedena hartuko du. Egun hauetan hain bete eta egon diren erdiguneko kaleak auzoak bezain hutsik agertuko dira, eta horrela izango da berriro Forjas Alavesas eta Michelingo sirena hotsak jo arte.

Bitartean, batzuk Benidormeko hondartzara, eta beste zenbait Zestoako bainu etxera abiatuko dira. Andramari Zuriaren jaiekin nahikoa ez dutenek, Bilbon, Donostian eta Euskal Herriko beste hainbat lekutan parrandari ekiteko aukera izango dute, baina Gasteizen ikusitakoaren arabera Zestoak sekulako arrakasta izango duela ziur gaude. Hondar hori uzten dute besteak beste Euskal Herriko jaiak ●

Arabarren txanda atzo.

OIALDE

### KRONIKA FRESKOA

✓ **GESALTZAKO BANDA & HERTZAINAK.** Josu Zabala jaunaren ideia izan omen zen, ostegun gauean Hertzainak taldeak eman zuen kontzertuan egin zutena. 'No Time For Love' kantaren musika Gesaltzako bandak jo zuen tronpetak, gaita eta hone-lako instrumentuen bidez. Gariren ahotsa zen Hertzainakeok jarri zuten bakarra. Hantxe zegoen ere Jose Maria Bastida 'Txapinete' bandaren zuzendari. Publikoak harriduraren harriduraz hartu zuen, baina txalo ugariz saritu zuen xelebrekeria eder hura. Baliteke zuen herriko plazan folk eta rock batzen dituen mota honetako 'ikuskarria' ikusteko aukera izatea.

### ✓ PLAZA BERRIKO AUZOKIDEEN HASERREA.

Hertzainak taldearen kontzertua bitartean, Plaza Berriko auzokide talde batek hango balkoi batera atera eta pankarta antzeko zerbait erakutsi zuen. Ikusleak ez ziren ohartu, arreta gunea talde gasteiztarren musikan zegoelako, baina auzokideak haserre omen daude Plaza Berrian gauerdian egiten dituzten kontzertuegatik. Gari abeslariak hitz batzuk egin zituen inork ezagutzen ez zuen kontu honi buruz: «Barkamena eskatu behar diegu Plazako auzokideei, baina gu musikoak gara, eta Arabakoak garen, kanta hau egingo dugu», esan zuen Garik azkeneko kantei ekin baino lehenagoko aurkezpenean.

### ✓ DUTXAK, 39 PEZETA.

Gasteizko Correria kalean dagoen dutxa etxea oso ona eta garbia da, hona etorri eta etxerik gabe daudenen ustez. Bere artesanian saltzera etorri den afrikar batek esan zuenez leku hauek egotea asko eskertzen dute bera bezala kotxean bizi behar dutenak, berak azaldu zuenez «leku batzutan aste guztian egoten gara dutxatzeko toki bat izan gabe».

### ✓ OLINPIADETATIK ZIRKORA.

Nadia Petrovak 1976. urteko olinpiadetan hartu zuen parte. Nadia Comanecic irabazi zuen olinpiadan bera goiegarrarena izan zen, baina hortik gutxira belaunean izan zuen lesio batek gimnasiatik aldentu zuen Petrova. Bi urtez kirolik egin gabe egon behar izan zuen eta gero «mundu horretan jarraitzeko gogoak nituen eta zirkoran sartu nintzen» azaldu zuen bulgariarrak. Bere zirkoarekin Gasteizen ari zela istripu bat izan zuen asteartean, lesio larria ez den arren «okerrena bi hilabeteetan lanik egin gabe egon beharra» dela esan zuen.

### ✓ EURIAREN MENPE.

Denok dakigu nolako den Gasteiz eguraldiari dagokionean. Ura behar denean, euririk ez, eta nahikotxo dagoenean, urtegiak gainzeka egiten du. Jaietan berdin gertatzen da beti, eta zaila da bero handia egin duen jaiak gogoratzea. Aurten ere, goibel hasi, bero izugarri gero, eta bukatzeko, lokatz izugarri txosnetan eta euritako nahiz berokia kalera irteterakoan.